

ԾՐԱԳԻՐ

«ԱԶԱԿՑՈՒԹՅՈՒՆ ԼԵՌՆԱՅԻՆ ՂԱՐԱԲԱՂԻՑ ՏԵՂԱՀԱՆՎԱԾ ԱՆՁԱՆՑ»

1.	Ծրագրի նպատակը	<p>«Հայաստանի մանուկներ» բարեգործական հիմնադրամի (այսուհետ՝ «ՔՈԱՖ») «Աջակցություն Լեռնային Ղարաբաղից տեղահանված անձանց» ծրագրի (այսուհետ՝ «Ծրագիր») նպատակն է ՔՈԱՖ-ի համակողմանի ծրագրային մոդելի ներդրման միջոցով 2020 թվականի 44-օրյա պատերազմի, ինչպես նաև 2023 թվականի սեպտեմբերի 19-ի Ադրբեյջանի ուժանակն հարձակման հետևանքով տեղահանված անձանց տրամադրել կացության կարիքների ապահովմանն ուղղված, ինչպես նաև կրթական, սոցիալ-հոգեբանական, առողջապահական աջակցություն:</p> <p>Կացության կարիքների ապահովմանն ուղղված միջոցառումների նպատակը ՀՀ կառավարության հետ համագործակցության միջոցով շահառու անձանց բնակարանային հարցերի հրատապ լուծումն է: Մասնավորապես, նախատեսվում է նշված միջոցառման շրջանակում կառուցել, վերանորոգել, բարեկարգել, ներքին հարդարման ենթարկել բնակելի տարածքներ, որտեղ կարող են բնակվել տեղահանված անձինք կամ կառուցել, վերանորոգել կամ բարեկարգել բնակելի տարածքների համար անհրաժեշտ ենթակառուցվածքները:</p> <p>Կրթական միջոցառումների նպատակն է շահառու երեխաների կրթության իրավունքի իրացումն ապահովելու համար անհրաժեշտ պայմանների ստեղծումը, 3-6 տարեկան երեխաներին վաղ մանկության զարգացման, իսկ 6-18 տարեկաններին՝ ՔՈԱՖ ՍՄԱՐԹ կենտրոնի ոչ ֆորմալ ծրագրերում ներգրավելը, շահառու ուսանողներին կրթության և կարիերայի հնարավորություններ տրամադրելը՝ ՔՈԱՖ-ի կրթաթոշակային և կարիերայի զարգացման ծրագրի շրջանակներում, երեխաների</p>
----	----------------	--

		<p>հետ աշխատող մասնագետների վերապատրաստումը, կարողությունների զարգացումը, համապատասխան աշխատանքով ապահովելը:</p> <p>Սոցիալ-հոգեբանական և առողջապահական միջոցառումների նպատակն է շահառու անձանց մատուցել հոգեբանական և առողջապահական ծառայություններ:</p>
2.	Ծրագրի բարեգործական որակման նպատակը	Նախատեսվում է ծրագրի շրջանակներում օրենքով սահմանված կարգով օգտվել ՀՀ հարկերի, տուրքերի, պարտադիր վճարների գծով՝ օրենքով սահմանված արտոնություններից:
3.	Բարեգործը	«Չիլդրեն Օֆ Արմենիա ֆանդ Ինք.», Նյու Յորք, ԱՄՆ, 149 5-րդ ավենյու, սենյակ 500 (Children of Armenia Fund Inc. 149 5th Ave., Suite 500, New York 10010, USA.) և դոկտոր Գարո Հ. Արմեն
4.	Ծրագիրը կատարողը	«Հայաստանի մանուկներ» բարեգործական հիմնադրամ (ՀՀ, քաղ. Երևան 0010, Մելիք Ադամյան 2/2, ՀՎՀՀ՝ 02569972)
5.	Ծրագրի իրականացման վայրը և բնագավառը	ՀՀ Արմավիրի մարզ՝ Բաղրամյան, Արմավիր և Մեծամոր համայնքները ՀՀ Արագածոտնի մարզ՝ Արտենի, Արագածավան բնակավայրերը ՀՀ Լոռու մարզ՝ Թումանյան, Փամբակ, Ալավերդի և Վանաձոր համայնքները ՀՀ Տավուշի մարզ՝ Իջևան և Նոյեմբերյան, Դիլիջան համայնքները ՀՀ Շիրակի մարզ՝ Արթիկ, Անի և Ախուրյան համայնքները Բնագավառը՝ սոցիալական
6.	Ծրագրի բյուջեն	129,840,000 դրամ
7.	Բարեգործությունն ստացողը	Ադրբեջանի կողմից 2023 թվականի սեպտեմբերի 19-ին իրականացված ռազմական հարձակման, ինչպես նաև 2020 թվականի 44-օրյա պատերազմի հետևանքով Լեռնային Ղարաբաղից տեղահանված հայ բնակչություն
8.	Ծրագրի իրականացման տևողությունը	2023 թվականի դեկտեմբերի 22-ից մինչև 2024 թվականի դեկտեմբերի 30-ը
9.	Միջոցառումների նկարագրությունը և ժամկետները, անհրաժեշտ ֆինանսական միջոցների ծավալը	<p>1. Կացության կարիքների ապահովման միջոցառումներ՝ ընդամենը 40,000,000 դրամ, իրականացվելու է 2023 թվականի դեկտեմբերի 22-ից մինչև 2024 թվականի դեկտեմբերի 30-ն ընկած ժամանակահատվածում՝</p> <p>1) բնակարանների, բնակելի տների կառուցում, վերակառուցում, վերանորոգում 16,000,000 դրամ.</p>

		<p>2) կահույքի, խոհանոցային պարագաների և այլ անհրաժեշտ նյութերի, պարագաների և գույքի ձեռքբերման, ներմուծման աշխատանքների իրականացում՝ 10,000,000 դրամ.</p> <p>3) արտաքին բարեկարգման աշխատանքներ՝ 4,000,000 դրամ.</p> <p>4) ներքին հարդարման աշխատանքներ՝ 4,000,000 դրամ.</p> <p>5) ջեռուցման, էլեկտրաէներգիայի մատակարարման, գազամատակարարման, օդորակման, կոմունալ կարիքների բավարարմանն ուղղված այլ համակարգերի նախագծում, տեղադրում և մոնտաժում՝ 6,000,000 դրամ:</p> <p>2. Կրթական միջոցառումներ՝ ընդամենը 29,500,000 դրամ, իրականացվելու է 2023 թվականի դեկտեմբերի 22-ից մինչև 2024 թվականի դեկտեմբերի 30-ն ընկած ժամանակահատվածում՝</p> <p>1) վաղ մանկության զարգացման, արտադասարանական խմբակների աշխատանքի կազմակերպման, դպրոցական միջոցառումների համար նախատեսված նյութերի և պարագաների ձեռքբերում՝ 3,000,000 դրամ.</p> <p>2) տպագրական և հրատարակչական ծառայությունների ձեռքբերում՝ 1,500,000 դրամ.</p> <p>3) երիտասարդների հզորացման միջոցառումների համար տրանսպորտային ծառայության ձեռքբերում՝ 3,000,000 դրամ.</p> <p>4) դպրոցահասակ երեխաների, երիտասարդների, կրթաթոշակատուների վերապատրաստումների և կրթական այլ միջոցառումների իրականացում (տարածքի վարձակալություն, սննդի մատուցում, տրանսպորտային ծառայություն և այլն)՝ 10,000,000 դրամ.</p> <p>5) ծնողների, ուսուցիչների, բժշկական անձնակազմի, երեխաների հետ աշխատող մասնագետների վերապատրաստում, մանկավարժական և այլ կարողությունների զարգացում՝ 3,000,000 դրամ.</p> <p>6) կրթական միջոցառումների համար գույքի, այլ պարագաների ձեռքբերում՝ 5,000,000 դրամ.</p> <p>7) սննդի կազմակերպում՝ 4,000,000 դրամ:</p>
--	--	--

	<p>3. Առողջապահական միջոցառումներ՝ ընդամենը 23,500,000 դրամ, իրականացվելու է 2023 թվականի դեկտեմբերի 22-ից մինչև 2024 թվականի դեկտեմբերի 30-ն ընկած ժամանակահատվածում՝</p> <ol style="list-style-type: none"> 1) բժշկական սարքավորումների, բժշկական գործիքների և բժշկական պարագաների ձեռքբերում, սպասարկում և նորոգում՝ 10,000,000 դրամ. 2) ոչ բժշկական պարագաների ձեռքբերում՝ 5,000,000 դրամ. 3) բժշկական օգնության և սպասարկման ծառայությունների ձեռքբերում՝ 4,500,000 դրամ. 4) տրանսպորտային ծառայությունների ձեռքբերում՝ 2,000,000 դրամ. 5) գույքի, այլ պարագաների ձեռքբերում՝ 2,000,000 դրամ: <p>4. Սոցիալ-հոգեբանական աջակցության միջոցառումներ՝ ընդամենը 15,000,000 դրամ, իրականացվելու է 2023 թվականի դեկտեմբերի 22-ից մինչև 2024 թվականի դեկտեմբերի 30-ն ընկած ժամանակահատվածում՝</p> <ol style="list-style-type: none"> 1) երեխայի և ընտանիքի աջակցության կենտրոնների, հոգեբանների և լոգոպեդների շրջիկ խմբերի գործունեության համար նյութերի, պարագաների, կահույքի, այլ գույքի ձեռքբերում՝ 4,500,000 դրամ. 2) երեխայի և ընտանիքի աջակցության կենտրոնների, հոգեբանների և լոգոպեդների շրջիկ խմբերի համար տպագրական նյութերի ձեռքբերում՝ 3,000,000 դրամ. 3) երեխայի և ընտանիքի աջակցության կենտրոնների մասնագետների վերապատրաստումների իրականացում՝ 2,500,000 դրամ. 4) հոգեբուժական ծառայությունների ձեռքբերում՝ 3,000,000 դրամ. 5) տրանսպորտային ծառայությունների ձեռքբերում՝ 2,000,000 դրամ: <p>5. Կազմակերպական ծախսեր՝ ընդամենը 21,840,000 դրամ, իրականացվելու է 2023 թվականի դեկտեմբերի 22-ից մինչև 2024 թվականի դեկտեմբերի 30-ն ընկած ժամանակահատվածում՝</p>
--	--

10.	Ձեռք բերվող (ներմուծվող) ապրանքների ու ծառայությունների համառոտ նկարագիրը, ծավալները և նախատեսվող գինը	<p>1. ՀՀ տարածքում նախատեսվում է ձեռք բերել՝ 73,020,000 դրամին համարժեք շինանյութ և կառուցապատման համար անհրաժեշտ այլ պարագաներ (ամրան, ցեմենտ, քար, թիթեղ, խողովակ, ապակի, պատուհան, դուռ, երկաթ, մեխ, շինարարական հատուկ հագուստ, ցանկապատ, ցանց և այլն), ջեռուցման, էլեկտրաէներգիայի մատակարարման, գազամատակարարման, օդորակման, կոմունալ կարիքների բավարարմանն ուղղված ապրանքներ, վառելիք, այլ գույք, տնտեսական ապրանքներ, կահույք, խոհանոցային, կենցաղային պարագաներ, տպագրական և փաթեթավորման նյութեր, բժշկական սարքավորումներ, գործիքներ, բժշկական պարագաներ, գրենական պիտույքներ, կրթական ծրագրերի համար անհրաժեշտ այլ պարագաներ և նյութեր, գրքեր, խաղեր, քարտեզներ, հագուստ, կրթական ծրագրային ապահովումներ, համակարգիչներ, հեռախոսներ, ինտերնետային մոդեմ, վառելիք և այլ անհրաժեշտ գույք: Իրականացվելու է 2023 թվականի դեկտեմբերի 22-ից մինչև 2024 թվականի դեկտեմբերի 30-ն ընկած ժամանակահատվածում:</p> <p>2. Նախատեսվում է կնքել՝ 48,680,000 դրամին համարժեք կապալի՝ շինարարական, աշխատանքների կատարման պայմանագրեր, գույքի ձեռքբերման, ապրանքների մատակարարման, վարձակալության, խորհրդատվության տրամադրման, կրթական, առողջապահական, տպագրական և հրատարակչական, տրանսպորտային ծառայությունների, ինչպես նաև ծառայությունների այլ տեսակների մատուցման պայմանագրեր: Իրականացվելու է 2023 թվականի դեկտեմբերի 22-ից մինչև 2024 թվականի դեկտեմբերի 30-ն ընկած ժամանակահատվածում:</p>
11.	Ծրագրի իրականացման հետ կապված կազմակերպական ծախսերը	<p>1. Կազմակերպական ծախսեր՝ ընդամենը 21,840,000 դրամ՝</p> <p>1) վառելիք՝ 5,000,000 դրամ.</p> <p>2) կոմունալ ծախսեր՝ ընդամենը 4,800,000 դրամ.</p> <p>3) այլ ծախսեր՝ ընդամենը 1,500,000 դրամ.</p> <p>4) անձնակազմի տրանսպորտային ծախսեր՝ ընդամենը 2,400,000 դրամ.</p> <p>5) աշխատավարձ՝ ընդամենը 8,140,000 դրամ:</p>
12.	Համագործակցությունը պետական կառավարման, տեղական ինքնակառավարման մարմինների, այլ կազմակերպությունների հետ	Նախատեսվում է համագործակցել ՀՀ Լոռու, Արմավիրի, Արագածոտնի, Շիրակի և Տավուշի մարզպետների աշխատակազմերի և նշված մարզերի համայնքապետարանների հետ, ՀՀ վարչապետի աշխատակազմի, Առողջապահության նախարարության, Կրթության, գիտության, մշակույթի և

		սպորտի նախարարության, Աշխատանքի և սոցիալական հարցերի նախարարության, Էկոնոմիկայի նախարարության, Տարածքային կառավարման և ենթակառուցվածքների նախարարության հետ:
13.	Ծրագրի արդյունավետության նկատմամբ վերահսկողության մեխանիզմների նկարագրությունը	Հայաստանի Հանրապետության կառավարության 2003 թվականի հունվարի 16-ի N 66-Ն որոշմամբ հաստատված բարեգործական ծրագրերը բարեգործական որակելու և գրանցելու կարգի 25-րդ կետով սահմանված կարգով կներկայացվեն տեղեկություններ:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՓՈԽՎԱՐՉԱՊԵՏ

Տ. ԽԱՉԱՏՐՅԱՆ